



Jim Blue Jacketstraat 2
San Nicolas, Aruba.
Tel: 5845089/5847904
WhatsApp: 5601444
E-mail: stpaulusschool@skoa.aw
Web site: www.stpaulusschool.org



Newsletter 8, fecha 13 mei 2025

Despues di un cordial saludo nos kier duna mayornan algun informacion importante.

Dianan liber.

- Dia 29 y 30 di mei 2025 ta Hemelvaartsvakantie.
- Dia 2 juni 2025 ta e ultimo dia di estudio pa maestronan di St. Paulus School pa e aña escolar aki.
- Riba e dianan aki NO tin scol.



Reinscripcion 2025-2026.

Reinscripcion pa aña escolar 2025-2026 ta habri den SAS. Pa reinscribi e cuentanan di 2024-2025 mester ta paga. Si tur cuenta ta na ordo lo haya un boton blauw pa por sigui.

REINSCRIPCION 2025

Reinscripcion pa aña escolar 2025 — 2026 ta bay cuminsa. Primi e boton visibel mas abou pa por cuminsa e proceso.

[REINSCRIBI CIARA DE GRAF.](#)

Si tin cuenta di schoolgeld of aircogeld lo haya un notificacion cora y mayor NO POR reinscribi.

REINSCRIPCION 2025

Reinscripcion pa aña escolar 2025 — 2026 ta bay cuminsa. Primi e boton visibel mas abou pa por cuminsa e proceso.

1 Segun administracion di SKOA e pago escolar y/of pago di aircogeld pa e aña escolar aki no ta na ordo. Pa por reinscribi mester cumpli cu e pago.

Den e caso di a cumpli cu e pago, mester pasa cu un comprobante di pago na administracion di scol.

Mayor mester hasi pago prome y manda nos e comprobante di pago di schoolgeld y aircogeld pa nos registra esaki.

Sin esaki mayor no por reinscribi cu consecuencia cu e mucha lo perde su cupo na St. Paulus School.

Si hopi mucha perde nan cupo na St. Paulus School, esaki por tin consecuencia cu lo por sera un klas completo y e ora e sobra di muchanan, hasta esnan cu si a reinscribi, lo wordo ubica na un otro scol. Scolnan ta enfrentando e problema grandi di cantidad di alumno.

St. Paulus School lastimamente tambe ta sinti e efecto di esaki y pa aña escolar 2025-2026 nos lo bay di 11 klas pa 10 klas.

Mayornan cu tin dificultad pa hasi e pagonan di schoolgeld y aircogeld online por pasa scol y nos lo ricibi e pagonan aki cash.

Verkeersexamen klas 5.

E verkeersexamen pa klasnan 5 lo tuma lugar diahuebs awor, 15 di mei 2025.

Hopi exito na nos muchanan di klas 5.



Prome Santa Comunion.

Nos muchanan di klas 3 lo ricibi pa prome biaha diasabra awor 17 di mei 2025 pa 9.00am na misa Santa Teresita.

Mayornan y nan yiunan di e otro klasnan ta cordialmente invita pa bin compaña nos na e momento special aki.



Pago aña escolar 2025-2026.

Pa aña escolar 2025-2026 e suma di schoolgeld y aircogeld ta keda mescos.

Ambos cuenta mester ta completamente paga prome cu scol habri bek den augustus 2025.

Inscripcion pa klas 1 pa 2025-2026.

Mayornan cu a haya e carta di ubicacion di SKOA cu e mucha a haya cupo na St. Paulus School ta invita pa pasa scol dia 3 of 4 di juni 2025 entre 8.00-10.00am pa finalisa inscripcion di nan yiu pa cuminsa klas 1 den augustus 2025.

Pa e inscripcion mayor mester cumpli cu e rekesitonan aki:

- Prueba di pago of areglo di pago pa aña escolar 2025-2026.
- Prueba di pago di aircogeld di aña escolar 2025-2026.
- Un pasfoto.

LESA PARTI PATRAS.



Newsletter 8, fecha 13 mei 2025

Zumba Fest.

Mayornan a ricibi algun kaarchi pa bende pa un fundraising Zumba Fest cu lo tuma lugar dia **28 di mei 2025 di 6.00-9.00pm** na St. Paulus School.



E Zumba Fest no ta solamente pa esnan cu tin custumber caba di practica e deporte aki, sino e ta pa **TUR** hende. Lo tene cuenta cu nivel y capacidad di tur presente. E instructornan ya caba ta preparando un repertorio super leuk cu bailenan varia pa asina grandi y chikito por gosa di un anochi tremendo. Y manera semper, ta bay tin sorpresa. E fundraising ta pa yuda cu e anochi di entrega di certificado pa e muchanan di klas 6 y tambe lo yuda scol cu su projectonan di digitalisacion. Recientemente klas 1A y 2B a ricibi e prome 'tv screen interactivo' pa asina e muchanan por haya les na un manera mucho mas efectivo y atractivo. Cu ayudo di mayornan nos lo sigui inverti den e desaroyo tecnologico na St. Paulus School.

Trabownan di mantencion.

Manera mayornan por a observa, trabownan di mantencion a inicia na St. Paulus School. Despues cu aña pasa tur klas a haya un verf p'aden, awor ta sigui e trabow di verf p'afo. Full e scol a ricibi un limpiesa banda p'afor y a cuminsa drecha e murayanan unda cu e cement a kibra of e muraya a scheur. Desde e renobacion grandi na 2008 nos scol no a haya un 'grote verfbeurt' cu consecuencia cu e trabownan awor ta hopi mas grandi y costoso. Despues cu caba di drecha e partinan aki lo sigui e trabownan di verf e scol completo. Esaki lo tuma lugar den juli/augustus 2025. Nos ta spera cu nos por habri aña escolar 2025-2026 cu un bachi nobo y bunita.




Presentacion di Leerorkest.

Mayornan ta cordialmente invita pa bin mira e presentacion di nos muchanan. Tur e scolnan cu tin Leerorkest lo demostra kiko nan a siña durante e aña. Esaki lo tuma lugar dia: **10 juni 2025 8.30am - 12.00pm** **Renaissance Convention Center.** E evento ta completamente gratis.



Sperando di a informa mayornan suficiente mi ta termina cu cordial saludo.

Atentamente,


Men. Randy Arends.
Cabesante.

